

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«___» նոյեմբերի 2013թ

N __ Ա

Ո Ր Ո Շ ՈՒ Մ

**ԵՐԵՎԱՆ ՔԱՂԱՔԻ ՆՇԱՆԱՎՈՐ ԿԱՌՈՒՑԱՊԱՏՈՂ ԵՎ ԲԱՐԵՐԱՐ
ԵՐԵՎԱՆԴ ՏԵՐ-ԱՎԵՏԻՔՅԱՆԻ ԿԻՍԱՆԴՐԻՆ ԵՐԵՎԱՆՈՒՄ ՏԵՂԱԴՐԵԼՈՒ ՄԱՍԻՆ**

Հիմք ընդունելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետության պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N 551 որոշմամբ հաստատված կարգի 2-րդ կետը՝

Երևանի ավագանին որոշում է.

Տալ համաձայնություն Երևան քաղաքի նշանավոր կառուցապատող և բարերար Երվանդ Տեր-Ավետիքյանի հիշատակը հավերժացնող հուշարձանը (կիսանդրին) Երևան քաղաքի Մհեր Մկրտչյան փողոցում (Երևան կինոթատրոնի մոտ գտնվող սյունաշար սև շենքի հարակից տարածքում) տեղադրելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ – ՀԻՄՆԱՎՈՐՈՒՄ

«ԵՐԵՎԱՆ ՔԱՂԱՔԻ ՆՇԱՆԱՎՈՐ ԿԱՌՈՒՑԱՊԱՏՈՂ ԵՎ ԲԱՐԵՐԱՐ ԵՐՎԱՆԴ ՏԵՐ–ԱՎԵՏԻՔՅԱՆԻ ԿԻՍԱՆԴՐԻՆ ԵՐԵՎԱՆՈՒՄ ՏԵՂԱԴՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՎԵՐԱԲԵՐՅԱԼ

Որոշման ընդունման համար հիմք է հանդիսանում ՀՀԱԺ–ից Երևանի քաղաքապետին ուղղված՝ Երևան քաղաքի նշանավոր կառուցապատող և բարերար Երվանդ Տեր–Ավետիքյանի ծոռան՝ Ջաքար Տեր–Ավետիքյանի դիմումը, որում նա հանդես է գալիս Երևան քաղաքի կառուցման և զարգացման գործում նշանակալի ավանդ և զգալի ներդրում ունենալու համար Երվանդ Տեր–Ավետիքյանի կիսանդրին Երևանում տեղադրելու խնդրանք–առաջարկով:

Երվանդ Տեր–Ավետիքյանի կողմից իրականացված՝ հիմնական կառույցների ցանկը.

- Փոքր համերգասրահի շենքը (նախկին Կուլտուրայի տունը) Աբովյան փողոցում, որն կառուցվել է բացառապես Տեր–Ավետիքյանի ֆինանսական միջոցներով, ներառյալ՝ Իտալիայում պատվիրված ջահը: Այս կառույցի պարագայում հայ մեծանուն բարերար Ալեքսանդր Մանթաշյանցը հանդես է եկել որպես պատվիրատու,
- Նախկին պետ. համալսարանի շենքը Աբովյան փողոցում,
- 1–ին հիվանդանոցի շենքը Աբովյան փողոցում,
- Նախկին ֆինանսների նախարարության շենքը Նալբանդյան փողոցում,
- «Երևան» կ/թ մոտ գտնվող սյունաշար սև շենքը, որի բակում գտնվում էր Երվանդ Տեր–Ավետիքյանի կողմից հիմնած Մեխանիկական գործարանը,
- Ռուսական տաճարը Շահումյան հրապարակում,
- Քաղաքի 1–ին փոքրիկ հիդրակայանը,
- Թուրքիան Հայաստանին միացնող՝ նշանավոր Մարգարայի կամուրջը,
- Երևան–Ջուլֆա երկաթուղագծի բոլոր կամուրջները,
- Նորքի Սր. Մարիամ Աստվածածին ավերված եկեղեցու վերականգնումը:

Կիսանդրու հեղինակներն են ՀՀ ժողովրդական նկարիչ–քանդակագործ Խաչատուր Իսքանդարյանը և ՀՀ վաստակավոր ճարտարապետ Ասլան Մխիթարյանը:

Նախագիծ–առաջարկը քննարկվել էր Երևանի քաղաքապետին կից քաղաքաշինական խորհրդի գեղարվեստի հանձնաժողովի՝ ս.թ. հունիսի 13–ին կայացած նիստում և միաձայն հավանության էր արժանացել հանձնաժողովի կողմից, որից հետո հանձնաժողովի անունից գեղարվեստի հանձնաժողովի նախագահ Լ.Իզիթյանը գրավոր զեկուցագիր էր ներկայացրել Երևանի քաղաքապետին՝ մեծ բարերարի և նշանավոր կառուցապատողի կիսանդրին Երևանում տեղադրելու վերաբերյալ և դրական է գնահատանքի է արժանացել Երևանի քաղաքապետի կողմից (զեկուցագիրը կցվում է):

Երևանի քաղաքապետին կից քաղաքաշինական խորհրդի գեղարվեստի հանձնաժողովն և Երևան քաղաքի գլխավոր ճարտարապետն առաջարկում են Երվանդ Տեր–Ավետիքյանի կիսանդրին տեղադրել Մհեր Մկրտչյան փողոցում՝ «Երևան» կ/թ մոտ գտնվող՝ նրա կողմից իրականացված կառույցներից մեկի՝ սյունաշար սև շենքի հարևանությամբ, որի բակում գտնվում էր Երվանդ Տեր–

Ավետիքյանի կողմից հիմնած Մեխանիկական գործարանը (լուսանկարները կցվում են):

Համաձայն հուշարձանի հեղինակների կողմից ներկայացված նախահաշվի, քանդակի մոտավոր արժեքը կկազմի ~ 8000 ԱՄՆ դոլարին համարժեք դրամ:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՔԱՂԱՔԻ ՆՇԱՆԱՎՈՐ ԿԱՌՈՒՑԱՊԱՏՈՂ ԵՎ ԲԱՐԵՐԱՐ
ԵՐՎԱՆԴ ՏԵՐ-ԱՎԵՏԻՔՅԱՆԻ ԿԻՍԱՆԴՐԻՆ ԵՐԵՎԱՆՈՒՄ ՏԵՂԱԴՐԵԼՈՒ
ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ
ԱՌՆՉՈՒԹՅԱՄԲ ԱՅԼ ՈՐՈՇՈՒՄՆԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ
ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

Երևան քաղաքի ավագանու «Երեվան քաղաքի նշանավոր կառուցապատող
եվ քարերար Երվանդ Տեր-Ավետիքյանի կիսանդրին երևանում տեղադրելու
մասին» որոշման ընդունման առնչությամբ այլ իրավական ակտերի ընդունման
կամ այլ իրավական ակտերում փոփոխություն կատարելու անհրաժեշտության
չկա:

ՏԵՂԵԿԱՆՔ

**«ԵՐԵՎԱՆ ՔԱՂԱՔԻ ՆՇԱՆԱՎՈՐ ԿԱՌՈՒՑԱՊԱՏՈՂ ԵՎ ԲԱՐԵՐԱՐ
ԵՐՎԱՆԴ ՏԵՐ-ԱՎԵՏԻՔՅԱՆԻ ԿԻՍԱՆԴՐԻՆ ԵՐԵՎԱՆՈՒՄ ՏԵՂԱԴՐԵԼՈՒ
ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ
ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ
ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒՓՅՈՒՆՆԵՐԻ ՄԱՍԻՆ**

Երևան քաղաքի ավագանու «Երեվան քաղաքի նշանավոր կառուցապատող
եվ քարերար Երվանդ Տեր-Ավետիքյանի կիսանդրին երևանում տեղադրելու
մասին» որոշման ընդունման կապակցությամբ Երևան համայնքի բյուջեի
եկամուտներում և ծախսերում սպասվում են փոփոխություններ:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ